


CHINESE - JAPANESE LIBRARY OF  
HARVARD - YENCHING INSTITUTE  
AT HARVARD UNIVERSITY  
JAN 10 1941

6

T 3185/7332.81



隨州志卷之三

知隨州事高陽劉 霏著修

署學正事湘潭王 岱恭訂

郡庠生 何泰崇纂輯

人物志 附流寓 仙釋 烈女 戰功 拾遺

讀王武子與孫子荆相論數語人物與山川為漸  
峭頗堪洗耳刮目然何地不生材固不以方隅異  
也峭嶮無松栢枝流無吞舟厄言耳余觀隨人物  
自古迄今何多偉烈也浦珠崑璞將與天下爭

哈佛大學漢和  
圖書館珍藏印

潤不獨方幅荆楚而已桂蘭異質齊芳韶武殊音  
龜美不能無三復感慕云志人物

古聖名賢

尚論貴得其實故考其人矣必考其地考其地矣  
必考其時考其時矣必考其事今按隨之古聖名  
賢既得所謂人與地矣而其時其事亦復鑿鑿可  
考迺聖其首出而爲古聖賢其命世而爲名賢備  
志於後

古聖

神農

生鴈山彌烈山氏繼伏羲以火鑪王土

氏茹草木之實食禽獸之肉而未知耕稼帝因  
天時和地宜斲木爲耜操木爲耒始教民種五  
穀而興農事故號神農氏今本州鴈山北七十  
里有神農洞卽其生處

虞舜

生諸馮今諸洪舖是也養吾集云隨之方

言呼馮爲洪不知者遂訛稱洪然考永樂年州  
志猶是諸馮且有舜井斷碑歷山娥皇洞諸遺  
跡姑存之然諸馮在河中府河東縣金仁山前

編辦之詳矣

名宦

季梁 隨人春秋時仕隨為大夫佐隨侯修政楚  
不敢伐後魯桓公八年隨少師有寵楚鬬伯比  
曰可矣讎讐不可失也夏楚子合諸侯於沌  
求隙討隨也黃隨不會使蓬章讓黃楚子伐隨  
軍於漢淮之間季梁請下之弗許而後戰所以  
怒我而息寇也少師謂隨侯曰必速戰不然失  
楚師隨侯禦之望楚師季梁曰楚人上左君必

左無與王過且攻其右右無良焉必敗偏敗衆  
乃揚矣少師曰不當王非敵也弗從戰於速祀  
隨師敗績隨侯逸楚獲少師秋隨及楚平楚子  
將不許鬬伯比曰天去其疾矣隨未可克也乃  
盟而還 見祀鄉賢

周章 隨人仕東漢為諫議大夫累官至司空時  
鄧太后臨朝宦官鄭衆等秉勢預政章數進直  
言太后不能用先是和帝崩太后以平原王勝  
有痼疾而貪殤帝核抱養為己子故立焉及殤

帝崩羣臣以勝疾非痼意咸歸之太后恐勝終  
怨乃迎安帝立之周章以衆心不附密謀誅鄧  
騭兄弟及鄭衆等廢太后及安帝而立勝事覺  
自殺 見祀鄉賢

忠孝節烈

韓詩外傳云忠之道有三以道覆君而化之爲大  
忠以德調君而輔之爲次忠以身殉君而死之爲  
下忠則忠乃天地之正氣豈易得哉而求忠必於  
孝子之門是孝卽作忠之本也呂覽云凡爲天下

國者必先本而後末務本末貴於孝人君孝則名  
章榮下厥聽天下譽人臣孝則事君忠處官廉臨  
難死士民孝則耕讀疾守戰固不罷北蓋孝實立  
身之本而萬事之紀也祭義云置之而塞乎天地  
溥之而橫乎四海施諸後世於以推之爲婦必節  
爲女必烈可知節烈之事亦由孝以成之也然忠  
孝節烈理雖一貫而隨事特書各不相蒙隨之忠  
孝節烈代不乏人要皆正氣所鍾不容泯泯者爰  
采而分志於下以俟

旌表

忠臣

孟宗政 隨人宋寧宗慶元四年趙方知我募士  
邊將乃殺宗政而補以官開熙二年十一月壬  
寅金人來犯宗政克之宣撫吳玠奇焉補棗陽  
令嘉定十年四月金人犯襄陽趙方檄宗政立  
三軍一曰節制二曰報捷三曰忠義宗政偕扈  
再興陳祥分統焉設伏三方喋血而戰金人大  
敗旣而棗陽悵急宗政午發而奔至金人宵遁

趙方移帥京西間之大喜使權棗陽十二年六  
月宗政復大敗金人於城下追至鄧州而還金  
人自是不敢復窺襄漢中原遺民來歸者以萬  
數宗政發倉贍之給田創屋以與之居籍其壯  
者號忠順軍俾出沒唐鄧間十三年又敗金人  
於湖陽威名大振金人呼爲孟爺也累官至荆  
鄂都統制置信賞必罰好賢樂善爲一時名將  
循吏劾忠血戰東南半壁稍賴以安身死之日  
邊城爲之罷市慟哭 見祀鄉賢

孟珙 宗政之子紹定五年爲京西兵馬鈐轄屯  
秦陽初父宗政知襄陽招唐鄧蔡州壯士三萬  
號忠順軍命江海統之衆不服制置司以珙代  
海珙分軍爲三衆乃帖然六年敗金武仙於順  
陽仙走馬蹬山七月復大敗金武仙於馬蹬山  
盡降其衆而還襄陽端平元年珙入蔡州遂以  
亡金尋還師餉備屯田於唐鄧州九月上以珙  
兼鄧前忠義軍都統制留襄陽招中原精銳之  
士萬五千餘人分屯潁北樊城新野唐鄧間以

備元人名鎮北軍二年詔珙黃州駐劄措置邊  
防入對帝曰卿名將子忠勤體國破蔡滅金功  
緒昭著復問恢復對曰願陛下寬民力蓄人材  
帝問和議對曰臣介冑之士當言戰不當言和  
至黃增界蒐軍來歸白以千數三年元人侵蘄  
帥師却之元人侵江陵敗之且大被元人二十  
四砦還民數萬以歸嘉熙元年元口溫不花攻  
黃州珙帥師入城軍民喜曰我父來矣指畫戰  
守屢敗元人二年加荆湖制置使知岳州冬十



月復郢州荆門軍受詔救復荆襄其謂必得郢  
 然後可以通餽餉得荆門然後可以出奇兵及  
 至岳遂檄江陵節制同持襄郢召諸將指授方  
 畧發兵深入於是張俊復郢州賀循復荆門乃  
 以蔡息降人置忠衛軍襄郢降人置先鋒軍三  
 年復襄陽謂襄樊為朝廷根本百戰得之乃益  
 置先鋒十二月遣師分道禦元人於蜀口遂復  
 夔州四年遷四川宣撫使兼知夔州節制歸峽  
 馮澧州軍遂大興屯田又創南陽竹林兩書院

以處襄漢四方流寓之士壬寅二年元侵蜀道  
 師禦之梁棟以乏糧還琪曰是棄城也斬以殉  
 由是諸將稟命唯謹甲辰四年上以琪兼知江  
 陵府修內監十有一別作十監於外有距城數  
 十里者沮漳之水舊自城西入江曰障而東之  
 俾遠城北入於漢而三海遂通為一隨高下為  
 蓄泄三百里間渺然巨侵土木之功百七十萬  
 民不知役遂為江陵天險丙午六年九月卒史  
 立傳謂其忠君體國之念可貫金石且撫士愛

民經畫曲盡退則焚香危坐違貨色絕滋味充

遠於易學自號無庵居士累增太師追封吉國

公諡曰忠襄 見祀鄉賢

李處之 隨州人為人少穎異日誦數千言淳祐

初舉進士第知濠州後主管兩淮制置司事大

興德和楊民德之如父母尋坐累罷元兵圍揚

州復起制置兩淮遣兵首應勤王詔城守揚州

日出兵死鬪加叅知政事宋亡不屈阿朮殺之

揚民皆慟哭 見祀鄉賢

邊若訓 隨州人初事李處之十一年擢知州威

濟中守新城能得士心凡所為其治之皆有法

呂文煥引元兵攻之文煥率舟師拒之嘗誘文

煥至城下伏弩亂發中之幾就擒元兵攻城益

急皆論度力不支自殺事聞贈利州觀察使立

廟死所 見祀鄉賢

孝子

裴泰貞 隨州人南宋順帝昇明二年沈子泰勇

士召泰貞弗往使甲士二十追之泰貞射殺數

人欲將毋不獲而適子繼追者錄其母遂窮而  
自歸攸之歎曰孝子哉宥之復賜萬錢且補隊  
主 舊入應祀鄉賢

高可燾 隨州人有孝行元文宗至順二年七月  
詔旌其門君子曰紀有之而傳則闕史氏之踈  
如此夫 舊入應祀鄉賢

章貞 隨州人生一年而失恃鞠於祖母九年而  
永感明景泰元年登鄉試後致仕家居廬於墓  
右日磨土且其僕如生時始卒不倦 舊入應

祀鄉賢

俞於義 隨州人貢生生平德行文章久重鄉誼  
明崇禎十年二月十一日獻賊破城回毋朱氏  
老憊不能出城於義以身庇其母遇賊跪求毋  
命身遂被戮以守屍痛哭賊亦感悟釋之切遂  
得生

趙士選 隨州人明崇禎時賊至士選同父汝芳  
避難於義察父病行遲未到砦被賊執去士選  
見父被執急出砦牆外願以身代父死賊遂釋

其父而執士選至黃州適本家耕牛亦被擄回  
營牛見士選乃垂淚士選亦對泣賊問頗不憐  
而釋之 二孝子事見

國初本州錄

劉啓龍 隨州人母陶氏病篤偶思肉食家貧不  
能爲奉默祝司命割股以食母食之而愈爾時  
曾經里老報州未蒙旌獎此順治六年事也是  
時龍方十七歲而母安康於茲七十有八尚能  
紡績焉

劉氏 夫朱昱早喪遺腹生一子名富守志終身  
以長其子明成化十二年有司以聞表其門閭  
黃氏 夫盧暹蚤死黃年二十有二遺腹生一子  
守志終身誓不再醮明嘉靖十七年巡按馮御  
史震旌表其門

龔氏 生員陳序菴之妻明時人序菴蚤死龔年  
甫十九遺腹生一子名幼學撫教入庠誓不再  
醮通庠公舉有司以聞奉行建坊木石畢齊已

立賊變

楊氏 生員程文星之妻明時人夫蚤喪氏與妾共守一子十有餘年後子被賊殺氏益堅其志苦守數十年如一日至

國朝初通序公舉知州李鴻雷申詳 上臺蒙

巡按聶玠題叙每年旌獎銀二兩

梁氏 夫貢監張楚蚤死梁年二十三守志屢經亂荒萬死一生訓長子旭入文序次子曦入武序陸公姑尤克孝撫小叔張龍長成通序公舉

有司申詳 各臺批允候題已經賜匾旌表

門

呂氏 夫監生熊雲斐明崇禎時人隨父任江南蚤死呂年十九欲自盡姑勸之曰汝翁薄宦能携兩柩歸家乎呂遂扶柩歸塋事畢盡散其所

有開戶七日不食死未 旌表

張氏 夫庠生梁時煌明時人早喪張方二十五歲遺子申極甫六歲誓苦節教子爲郡名士登歲薦今年臻耄耄猶自操作不輟茹苦如始而

極亦閉戶讀書不慕祿仕歌聲出金石云未  
旌表

陳氏 夫葉積明正德時人間警學二子避之遇  
賊於釜欲汙之不可殺一子挾之亦不可殺  
其子卒不從乃剝其孕而死未  
旌表

席氏 夫劉木根

周氏 夫吳金 二氏同陳氏遇賊并欲汙之皆  
弗從縛之几上剖其腹而死二氏俱未  
旌表  
馮氏 主負梁疑禧之妻明崇禎十年八月內聞

警夫婦買舟往省避難行至西河賊賊迫急

岸忙奔魏家砦賊將近夫婦猶不忍相捨欲與

同死氏訣疑禧曰同死固所甘心但其尚無子

又有老母在堂可速袖身逃生明早於此地尋

我屍首禧遂逃次早果得氏屍於分手處

馮氏 係前烈婦親妹生員謝繼尊之妻崇禎十

年八月內夫婦避難南庄被賊迫逼後圍賊執

刀逼氏上馬氏罵不絕口被賊割腹而死

二氏皆生員馮詔之女相去六十餘里同日遇

難同日死節事見

國初本州錄

徐氏 工部侍郎何宗聖妻詣封淑人城破被擄罵賊剛其身而死

祭氏 生員熊本厚妻被賊遇擄欲汗之不從且罵不絕口賊剖腹子出而死

寶氏 生員帥以正妻被擄不汗以頭擊石而死  
王氏 貢生靳龍頰妻孀幼子同父鏡門避賊榛莽中相去數十武賊先羅得氏欲汗之呼之不

起擲殺幼子挾之如故鏡門奮起日兒不  
的是賊遂殺鏡門氏卒不從亦見殺

善義

語曰修善則爲善人好義則爲義士其出於學士大夫事有固然無足異也苟或匹夫好俠烈士輕生而文章彬彬雅之儒反不能出其右者是固其至性乎而芳躅懿行苟可泯也隨之善人義士雖豈止一國一鄉然皆風氣所鍾何得不表述之

善人

劉應民 詳應祀鄉賢

義上

明正統中奉例出穀千石備賑濟者有司勞以羊酒免徭後旌為義民得五人焉

石彥彰 歲豐鄉人

劉景隆 歲豐鄉人

宮文達 上名鄉人

譚忠 上名鄉人

何富 會盤村人

遠年奉例出粟賑濟者得義官十三人焉

黃鍾 澗川鄉人

鄒信 澗川鄉人

黃珍 澗川鄉人

龔遜 澗山鄉人

趙景 澗山鄉人

周文亮 澗山鄉人

程諫 澗山鄉人

王瑄 澗山鄉人



劉和 歲豐鄉人

石文富 歲豐鄉人

熊洪 府君村人

王俊 府君村人

馬仲剛 上名鄉人

明成化年奉例出銀賑濟者得官九人焉

黃誥 澗川鄉人

何敬 澗川鄉人

張源 歲豐鄉人

曹旺 歲豐鄉人

石淦 歲豐鄉人

梁寧 上名鄉人

張輔 上名鄉人

程萬鵬 澗山鄉人

王庭忠 澗川鄉人

義僕

時元 明永平司馬華崇少孤而貧不能自給有

僕時元賣蔬負薪供其體粥崇性豪放出必飲

酒飲必盡醉甚或引類呼朋其之元郎携杖頭  
尾其後崇偶荒業元郎規諫不已繼以痛嬰後  
崇得中萬曆二十五年鄉試

仙釋

世之言長生者七十二家分門別戶者不可勝記  
釋家則有宗有禪有戒而黃老瞿曇之說遂牢不  
可破嗟夫漢武之文成五利梁武之閉戶諷經奚  
裨於治然雲房開羣仙之派慈忍衍衆法之門皆  
在於隨又何可沒焉

仙

紫陽先生 唐時人好道太白有詩見贈迨後不  
知所之詩載藝文

釋

慈忍盧尊者 唐時人卽浮屠善信遊於五臺三  
年寺僧道之有老父語曰子行矣緣不在是逢  
隨止過湖住遂行寶曆二年七月隨旱師至見  
高峯問焉人曰大湖乃竊喜及湖旁遇張武陵  
者具羊豕而等謂曰旱回人召害物濟人可乎

請待之三日吾爲爾雪武陵聽之既入陰岩獨坐而大雨武陵乃從以二子而卽山居之大和元年五月師告湖神曰鄉吾代牲輟爾血食今償爾引必截勝未殊白液出而涅槃張氏二子侍觀立化山南東道上其狀夫子嘉之賜其所居之處爲幽濟禪院今隨之洪山是也

智緣 宋隨州人善醫嘉祐末召至京舍於相國寺每察脉知人貴賤禍福休咎診父之脉而能道其子吉凶所言若神士大夫爭造之王桂曰

古有之乎王安石曰醫和診晉侯而知其良臣將死夫臣之命見於君脉視父知子何怪哉熙寧中王韶謀取青唐土言蕃族重僧而僧結異此臘王部帳甚衆請智緣與至邊神宗命智緣入蕃中說結異此臘歸化而化族皆可以輸款召還以爲右衛首坐 見一統志

無念 明隨州人孝慈皇后崩楚王集千僧作佛事見僧無念奇焉遂居之九峯寺後靈通候薦無念於明太祖太祖使中官乘傳來詔至於京

師與語太說禮之後辭還御製詩文及金鉢盂  
 瓶架染衲衣賜之使中官乘傳送之後太祖懷  
 之復使中官奉御製詩文松花實於九峯賜之  
 俱載藝文

大休 明萬曆間僧大休修於七尖峯四十餘年  
 不履城市州守祝公屢招僅一晤楚豫各士多  
 就之者著有語錄尺餘行世後坐化

隱逸

易稱避之時義大矣哉是以堯舜在上不與羣  
 湯

之謂武王與紂全孤竹之野以避世  
 之執恒多而慷慨之也則一或隱居以求其志或  
 曲適以成其高或混俗以和其光或齋物以激其  
 潛然觀其中心猷畝之由託跡煙霞之表其不以  
 身之察察受世俗之汶汶可知也

宋

李堯輔 歐陽永叔作昌黎文集序云予寓漢東  
 隱士李氏子堯輔頗好學於家得昌黎宗六卷  
 乞歸讀之見其淵原而雄博

明

吳彥德 本州人少業儒學成常懷濟利之志既  
不售棄就醫精其術凡人疾病不瘳者無大小  
咸詣其家欣爲療之遇窮困者凍與之衣餼與  
之糶需用與之銀錢其接人溫然以和與人言  
未常不勸爲善笑傲山林中悠然自得故鄉人  
稱之爲篤行君子是登鄉榜

何允輔 本州人字近川少業儒卽善詩功名惟  
尋丘壑之樂遂棄而就糗自食其力布衣藿食

是跡絕於公廩見人爲善勸進之見人爲不善  
阻抑之有司聞而慕之以鄉飲酒禮登筮十餘  
次屢避不赴但積書以教子孫而已

陳奇抱 字叔平號華頂少穎異嗜學性疎放以  
棄隅自砥萬曆戊午科闈中卷以本房爭元不  
果置副榜第一後領崇禎戊寅歲薦與辰廷試  
授學職未就遂隱庭訓後昆爲漢東名士迄今  
八十餘年家徒壁立猶擁書自娛泊如也自號  
爲詩酒布衣嘗榜其門曰靜裏攤書渾忘世閒

中捉酒自稱仙者有醉陶軒集未刻 占祥其子也  
僑寓

孔子曰吾聞之刻胎殺夭則麒麟不至其郊竭澤  
涸魚則蛟龍不處其淵覆巢毀卵則鳳凰不翔其  
邑何作惡傷其類也由是觀之君子之出處其必  
以類也明矣吾於隨之僑寓而知類災之說洵不  
誣也彼其寓於隨者或爲當代之鴻儒或爲命世  
之賢主皆表表千古間也然則隨以僑寓重乎僑  
寓以隨重乎曰魯無君子者斯焉取斯則隨爲僑

山之石也可爲芝蘭之室也

周春秋

楚昭王 敬王十四年冬吳師敗楚鬬辛與其弟  
巢以王奔隨吳人從之謂隨曰周之子孫在漢  
川者楚實盡之天誘其衷致罰於楚而君又竄  
之周室何罪君若顧報周室施及寡人以獎天  
衷君之惠也漢陽之國君實有之楚子在公宮  
之北吳人在其南子期似王逃王而已爲王曰  
以我與之王必免隨卜與之不吉乃辭吳曰以

隨之僻小而密邇於楚楚實存之世有盟誓至  
 於今未改若難而棄之何以事君執事之患不  
 唯一人若鳩楚境敢不聽命吳人乃退昭王宮  
 於隨至十五年丙申申包胥以秦師救楚大敗  
 夫係玉于沂昭王入於郢

漢

張衡 西鄂人讀書於治東之臺厥賦而都曰天  
 封大狐大狐巍然治西蓋其所常目觀者焉

見漢東志

李白 隴西人間雲夢七澤來觀焉而許相公家  
 見招妻以孫女嘗讀書於白兆之桃花昔遺  
 而登漢東之樓懷管八報珠之故於是賦被策  
 及厲鄉慕長生之術訪紫陽先生於是賦神農  
 又往遊白水登石激觀清冷泉慷慨悲歌擊節  
 光武於是又賦朝涉寓三年而後去 見漢東

志

諸葛覺 李繁為隨刺史韓愈與之善遂送其友

諸葛亮讀書於隨 見漢東志

五代漢

宋太祖 董宗本仕漢為隨州刺史太祖依焉而

寓於隨 事詳古蹟

宋

歐陽修 廬陵人大中祥符三年歐陽暉為隨推

官修暉從子也幼孤依之回家於隨

邢居實 邢恕子也元祐元年恕知隨居實從焉

乃寓於隨十年嘗作白雲樓賦載藝文

宋郊 隨州應山人微時居隨同弟郊讀書於

學後及相居政府上元夜在書院內讀周易

其弟學士郊點花燈擁歌妓醉飲達旦翫日論

所親令誚讓云相公寄與學士聞昨夜燒燈夜

冥窮極奢侈不知記得某年上元同在州學內

喫羹煮飯否學士笑曰却須寄語相公不知嘗

年同喫羹煮飯是為甚的 見鍾子快述

戰功

隨古侯國也為楚豫分疆之所南北必爭之地

行州志

卷三

三

志



又古戰場也明季流氛猖獗為國仇讐在隨士著  
 士民捍敵固圍奮胸決脰雖以螳臂當車有不惜  
 者嗟乎誰無父母誰無兄弟誰無妻子一旦義激  
 於中勇形於外其烈烈一死實足多焉故特以  
 功附人物卷末至於戍員守將以及履勦專征者  
 或則舉旗斬將或則効死捐軀又皆有功茲士何  
 可沒焉

明

張士維 隨州人世襲百戶崇禎七年二月初

日賊八人王張獻忠統眾賊圍城破外南關遁  
 去至十一日三鼓時攻城甚急士維據守北門  
 奮身與戰孤城一陷獨力難支身被重創猶殺  
 數賊方死 貢士喻於義護毋鬪死 生員劉  
 道源謝君問鍾以嘉王玉奎王玉珍俱守城戰  
 死張映奎巷戰不勝全家閉門墜井而死次日  
 監紀張大金象營龍爭先總兵楊世恩合兵追  
 至賊始奔去

謝隆恩 隨州生也崇禎十四年四月二十二日

賊張獻忠羅汝才突至攻城時人心初集防守  
 莫支隆恩素有齊力率生員全其善梁天培  
 封奔四面拒敵大戰一日矢石盡竭孤城再陷  
 知州徐世淳學正詹濤鄉紳張士進張士選  
 鳳翔生員沈先約熊嗣先俱戰死隆恩於鋒  
 中大呼曰我父在不敢死一手抵城一手携父  
 東舉出營負走三十里而父子俱全賊擄百姓  
 男婦數千折城一日盡平

崇禎

崇禎八年流賊來寇圍守將周遊擊

萬家店曹帥師勦之一戰而克殺賊千餘獲  
 婦二百餘交州還籍士民立生位祀於北門  
 總鎮許成名 崇禎八年冬衆賊聚於洪山楚鎮許提  
 兵追之拔賊老營大捷

副將楊世恩

崇禎九年流賊北曹操老狃狃隔里眼

八大王聚隨薦山一帶王撫院統總兵秦翼明  
 追勦至孤山冲發楊世恩三帥領兵三萬作前  
 鋒至三道河賊設伏誘入圍之世恩三帥夾河  
 立三大營各築土城一座賊晝夜攻打相持十

三日糧盡王撫院同秦鎮轉至棗陽文檄附近堡人都士何士達運米入營後全軍俱陷止奔騎兵數百至今三城內風雨晦冥猶聞鬼哭

何士達 本州人從河南湯鎮授都司運米濟師

有功崇禎九年十一月初五日秦鎮有人和寨都上何士達結寨為城保億萬焚湯之衆設謀運米全數手戮豺之師大風猛士濟世糾桓之獎云云

守黃章素 崇禎十四年奉委來守因城平無據率

兵壘南門樓臺為堡乃聚衆千有餘人七月二十三日闖賊李自成突至圍堡誘之降黃不從同陳巡檢廢生朱潘與誓死戰守賊攻未下設巨砲擊破黃與千衆同死堡中焚撫宋一鶴聞之親致祭諸死難者於南門樓下

督總 丁啓睿

督總 朱大典

部閣 楊嗣昌 崇禎十六年三帥共統京營大兵十萬

追賊至隨之小壩山初戰我兵大捷次日大雨

兵衣甲火藥盡濕賊四面衝突兵仍奮勇爭先  
一以當十忽風沙交作大霧四塞其遂敗績賊  
縛將士斷屍積王家店西白骨嶙嶙鄉人憐  
而瘞之時中原鼎沸玉石俱焚自李自成屠兵  
後走厲山向州南下其右隊走安居破長慶堡  
駐劄運糧幸丁啓睿朱大典楊文岳救督殘師  
追至長慶堡撲勦獲賊首千餘餘奔州城合老  
營而去

拾遺

既志矣曷云拾遺也蓋編年則事統於年而事無  
缺分彙則各從其類非其類者去之勢不得不有  
所遺遺而不拾是傷畧也是蒐古也此拾遺之所  
由作也故事無巨細或得之紀傳或得之見聞皆  
得綴焉矧柱史有文而野乘不廢則又拾遺意也  
因采而志之

史記有曰楚武王三十五年代隨隨曰我無罪楚曰  
今諸侯皆叛相侵相殺我有敝甲欲以觀中國之  
政諸王室尊吾號隨爲之請于周不聽還報楚金

氏曰史氏之述其遠章求成之辭乎君子謂史記之言與左氏異傳稱季梁之謀唯在於修政而親與國者請號尊楚豈理也哉

莊王三年三月楚武王荆尸授師了焉以伐我將齊人告夫人鄧曼曰余心蕩鄧曼歎曰王祿盡矣盈而蕩失之道也先君其知之矣故臨武事將發大命而蕩王心焉若司徒無馬王薨於行國之福也王遂行卒於楸之下令尹闕祈莫敖屈重除道梁槎營軍臨我我懼行成莫敖以王命入監隨侯且

請為會于漢沔而遷濟漢而後發喪而史記又曰楚武王五十一年周召公責在王楚而楚亦怒我背已來伐武王遂卒於師而兵罷君子曰此與傳亦異莊王十九年我赴鄖師事之微者傳尚紀之豈有王室召我責在王楚之事碩遺之乎楚之志拳拳于吞噬小國其不忘情於我瀕死而猶不肯已寧論其背不背哉遷史牽合率多此類何足辨乎

襄王七年正月楚人伐徐七月齊師曹師伐厲以救

徐厲隨境內國也

襄王十二年隨以漢東諸侯伐楚冬楚鬬殺於莫帥師來伐取成而去左氏曰隨之見伐不量力也量力而動其過鮮矣善敗由已而由人乎哉詩曰豈不夙夜畏行多露

敬王十三年唐成公如楚有兩肅襄馬子常欲之弗與止之唐人成相與謀請代先從者詐之飲先從者酒醉之竊馬而獻之子常子常歸唐侯自拘於司敗曰君以弄馬之故隱君身棄國家羣臣請相

夫人以饋厲必知之唐侯曰寡人之過也二三子無辱者實之杜子曰唐隨境內國也後屬楚安昌東南之上唐鄉是已

新莽地皇三年下江新市兵起四月莽使嚴尤陳茂敗之猶劫于三鍾石龍攻隨弗克平林人陳牧廖湛由是起兵

劉道產治雍而蠻服南宋元嘉十九年劉子卒蠻服叛二十二年柝元景守隨既至而蠻入寇柝子募七百人使五百外戍或曰蠻將薄城可分手曰外

有重戍彼將懼奚知城中之數乎豫戒戍卒潛出  
其後曰見火則進既變至舉火而夾擊之溺沮水  
死者千餘人生獲數百三十年夏蠻復來寇沈慶  
之帥師伐之宗慤自新安入大洪山掃子自均水  
據五水嶺先據險要蠻復大敗

前廢帝景和元年四方大亂隨守王寬夏父懸謀去  
隨而之建鄴及毋陷于賊復襲而敗之遂奉毋還  
天子悅使圖其形

宋至道元年二月丙午綱隨前年通租

建寧二年職雜為隨書記父國文有高誼來就養

徽過隨一見而合亟與之酬倡年七十三卒次子  
綸間計徒步千里來奔

至道二年彭城王從吉上書於天子訟其父在除名  
而配於隨

仁宗天聖元年歐陽修應舉於隨試論左氏誣修曰  
石言于晉神降于莘內蛇鬪而外蛇傷新鬼大而  
故鬼小惟逸韻失解四年由隨薦禮部八年三月  
舉省元登王拱辰榜進士

王超之子德用爲大尉而黑而身替超元昊反請自  
將討之天子弗許言者曰魏類藝祖孔道精亦云  
遂罷武寧鄴度使或曰古馬府州進其券市之商  
人言猶不已而降知隨且置判官監之家人惶恐  
德用自若惟不接人道輔卒或曰害公者死矣王  
子愀然曰惜乎朝廷又喪一直臣矣袁了凡曰王  
武恭積戰功起行伍脫鑿卒致位兩府縉紳所嫉  
魏類藝祖宅枕乾崗蘇儀甫孔道輔言之宅現光  
惟姓合識書歐陽承叔劉原甫屢言之且貌遺之

父母姓受之祖宗皆用爲罪四公非讒人者以斯  
知文武分鑣爭進爲忌君子而不免亦以徵宋世  
儒者委蛇守文耻言兵事岑視武夫其所出來漸  
矣

沈括之謫隨也夏震而木折獲石其下似斧而無孔  
或曰雷襖又曰雷州多雷沈子曰雷實水名石雷  
妄夫然隣高有電白又何謂邪君子曰在天成象  
在地成形星隕爲石夫何疑乎易曰震爲龍一陽  
動于二陰之下非龍乎雷其聲電其日之光聲出



而光生乎光無碍故一出而人見聲有漸故既發而始聞聲傳谷響其應稍遲非其理乎龍蟄而雷伏雷已而電滅臘月之雷陽洩于陰龍啓於蟄故雩泉觸龍雷電隨至龍之怒也龍拳雲中雷電交作龍隱而去空中頓滅志曰有神如虀又曰電白一祠龍湫龍毋非此之類乎

虎子曰醫蔡士寧得一石於道流色如辰砂而光映人和藥則有文纏而細重如金錫上有三竅剔之則出赤屑病心狂熱服刀圭而愈分兩歲息士寧

天洪山人李選殺人亡命踰年而至稀歸州中一於於是稀歸有被殺者求賊甚急具子見選於口非父物乎恕之官執選而驗之信榜掠備至選實購之而不得其主卒莫自明官窮至弗可隱而大興之犯遂洩竟失鬻者沈子曰世人多矣選適值之及其隱匿可恠也夫

端平元年四月元太子闕來侵隨諸地放各士經籍而遠之燕

恭帝德祐二年正月乙亥元從大都諸路獵戶成隨  
之大洪山

英宗至治二年同知石忠翊吏目張之道祠漢書亭  
侯於懸竈觀之東偏

明正統四年遷交趾歸附官民于隨官五人知州閉  
包新黃元懿同知黃鐸判官岑斗烈吏目譚廣深  
民百有十九口給之世業不征租庸

先是宋英宗治平間范忠宣判安州嘗作布衾銘以  
戒士後洛職知隨而銘實無傳焉至明正統五年

竟獲其銘於土中

弘治十二年知州李克嗣築作四門樓暨尊經閣  
瑞蓮亭書院社學郵亭石橋奏設山店鎮巡檢  
司又修白雲樓

嘉靖二年四月知州藍渠改調欽州去之民立善政  
碑于尹公亭

嘉靖十五年民周萬朝畜父馬誘遊牝而利人之餽  
有以父馬之毋來者父馬弗受輒怒而蹄誘再三  
咸如之他日復至卒不受周大怒搥父馬至死又

有字鴈媒者宵窳沙渚群鴈聞其聲而至則掩取  
之三年矣一日日中死鴈哀鳴而下與媒交糾其  
項弗釋并死之字者遂不復弋君子曰古稱義鴈  
孝鵝觀此尤信

